



Province of the
EASTERN CAPE
EDUCATION

**NATIONAL
SENIOR CERTIFICATE**

KEREITI YA 11

PUDUNGWANA 2018

**SESOTHO PUO YA LAPENG – PAMPIRI YA 3
MEMORANTAMO**

MATSHWAO: 100

Memorantamo ena e na le maqephe a 9.

KAROLO YA A: MOQOQO**POTSO YA 1****1.1 Leshodu ke le tshwerweng.**

- Moqoqong ona mohlahlobuwa o lokela ho qoqa a hlahisa hore leha batho ba ka rera ba ba ba etsa bobbe mmoho, molato o bewa ho ya bonweng a etsa bobbe boo.
- **Dikahare:**
 - Mohlahlobuwa a ka qoqa ka sesosa le mefuta ya boshodu.
 - A ka bontsha ditlamorao tse bosula tsa ho pepeseha ha boshodu tse fumanwang ke ya tshwerweng le hoba ha se yena ya bo rerileng.

[50]**1.2 Botumo bo na le monate wa ho ba le tsohle, empa ka lehlakoreng le leng ke bophelo bo timang motho monyetla wa ho ba le lekunutu.**

- Moqoqong ona mohlahlobuwa o qoqa ka makgabane a ho tuma. Motho ya tsebisahalang ha a hloke letho, tjelete le tse ding di itlela ha bobebe. A boele a bontshe tshitiso e etswang ke ho hloka lekunutu, boikgutso le boimamelo.
- **Dikahare:**
 - Mohlahlobuwa a bontshe ho ratwa ha ya tummeng ke batho bohle.
 - A hlahise hore bona batho bao ba ratang kgabane eo ya bona, ba e tima monyetla wa ho ba le lelapa, le ho etsa eng kapa eng ba sa mo sala morao. A ka fana ka mehlala ya ba dikoranta, ba dimakasine esita le ba ditaba.

[50]**1.3 Moruti ha a a tshwanela ho ba le seabo diketsahalang tsa moetlo. Dumellana kapa o hanane le mohopolo ona.**

- Moqoqong ona mohlahlobuwa o kgetha lehlakore. O a dumela hore ke nnete moruti ha a a lokela ho ikopakopanya le meetlo, kapa o hatella hore moruti ha a etse phoso ha a ntse a rera lentswe la Modimo a bile a tswela pele le ka meetlo ya hae.
- **Dikahare:**
 - Ba dumellanang le sehlooho:**
 - Mohlahlobuwa a ka bontsha boleng ba lentswe la Modimo, ho matlafatsa hore moruti o tshwanela ho phela seo a se rerang kamehla.
 - A ka bontsha pherekano e bakwang ke ho kopanya bodumedi le meetlo.
 - A fane ka mehlala ya meetlo eo jk kananelo ya bana, lebollo, lefung jj
 - Ba hananang le sehlooho:**
 - Mohlahlobuwa a ka bontsha hore moruti o phela le leloko la habo le ikgantshang le ho ipopa ka moetlo wa lona.
 - A buelle hore ho rera lentswe la Modimo ha ho lahlise motho setso sa hae.
 - A fane ka mehlala.

[50]

1.4 Selefounu ke sesosa sa kgohlano

- Moqoqong ona mohlahlobuwa o fana ka maikutlo a nahanisisitsweng hantle ka dikgohlano tse bakwang ke diselefounu.
- **Dikahare:**
 - Mohlahlobuwa a hlakise ntlhakemo ya hae ka mehlala.
 - Kgohlano e ka hlaha dipakeng tsa baratani, banyalani, batswadi le bana, matitjhere le bana ba dikolo jj.

[50]

1.5 Ke ne ke sa tsebe hore ke na le maqheka ho fihlela letsatsing leo.

- Moqoqong ona mohlahlobuwa o a pheta kapa o lokodisa diketsahalo tse mo hlahetseng, tse entseng hore a sebedise kelello, a be le maqheka.
- **Dikahare:**
 - Mohlahlobuwa a hlahise ketsahalo kapa diketsahalo tse neng di mo phephetsa, ho fihlela a ba le maqheka a ho di rarolla.
 - A ka hlahisa se susumeditseng hore a be a iphumane hore o ntse a na le maqiti ao a neng a sa a hlocomele.

[50]

1.6 Dithuto tseo re di fumanang dipaleng tsa theleveshene

- Moqoqong ona mohlahlobuwa a ka qoqa ka mananeo a theleveshene ao a a shebellang ka sepheo sa ho ithuta.
- Mohlahlobuwa a bontshe tjantjello le tjheseho ka pale e mo fileng thuto.
- **Dikahare:**
 - mohlahlobuwa a ka pheta ha kgotshwane palenyana e mo fileng thuto.

[50]

1.7 1.7.1 Setshwantsho: Moqoqo wa mofuta ofe kapa ofe.

- Moqoqong ona mohlahlobuwa o boha setshwantsho, mme a hlalose kapa a phete ka seo a se bonang ka tsela e kgodisang e bileng e hlakisa ditaba hantle.
- Moqoqo ona o ka ngolwa ho tswa lehlakoreng lefe kapa lefe, ho latela moelelo o qholotswang ke setshwantsho maikutlong a hao.

[50]

1.7.2 Setshwantsho: Moqoqo wa mofuta ofe kapa ofe.

- Moqoqong ona mohlahlobuwa o boha setshwantsho, mme a hlalose kapa a phete ka seo a se bonang ka tsela e kgodisang e bileng e hlakisa ditaba hantle.
- Moqoqo ona o ka ngolwa ho tswa lehlakoreng lefe kapa lefe, ho latela moelelo o qholotswang ke setshwantsho maikutlong a hao.

[50]

MATSHWAO OHLE A KAROLO YA A: 50

RUBURIKI YA HO LEKANYETSA MOQOQQO – SESOTHO PUO YA LAPENG [MATSHWAO A 50]

Makgetha a ho lekanyetsa		Phihlelo e babatsehanga	Phihlelo e supang bokgoni	Phihlelo e mahareng	Phihlelo ya motheo feela	Phihlelo e haellang
DIKAHARE LE MORALO		28–30	22–24	16–18	10–12	4–6
(Tshekatsheko ya sehlooho) tlhophiso ya mehopololele dintlha, kelohlolo ya baamohedi ba ditaba, maikemisetsa le maemo	Boemo bo hodimo	- Nehelano e bontshang kutlwisiso e babatsehanga ya sehlooho e supang bokgoni bo ikgethang - Mehopololele e bontsha boqhetseke, e phephetsa monahano mme ke e sutsitseng; - e hlophisitse hantle ka tsela e ikgethang/babatsehanga mme e momahane ka tshwanelo ho kenyeditswe selelekela, mmele le qetelo	- Nehelano e ralehileng hantle haholo; - Mehopololele e tsamaellana le sehlooho ka botlalo, e a kgahlisa mme e na le bopaki ba mehopololele e sutsitseng; - e hlophisitse hantle haholo ka tsela e ikgethang mme e momahane ka tshwanelo ho kenyeditswe selelekela, mmele le qetelo	- Nehelano ke e kgotsofatsang ditlhoheho - Mehopololele e momahane ka tsela e kgotsofatsang le e kgodisang - e hlophisitse ka tsela e utlwisisehang mme e momahane ka tshwanelo ho kenyeditswe selelekela, mmele le qetelo	- Nehelano e momahane mona le mane - Mehopololele ke e seng ya boiqapelo mme e sa hlakang - Ho na le bopaki bo seng bokae ba tlhophiso le momahano ya mosebetsi	- Nehelano e tswile lekoteng ho hang - Mehopololele ke e sa tsepamang e dubakaneng - Ha e utlwahale mme dintlha di a phetakakwa - Ha e a hlophiswa ka tshwanelo le momahano ha e yo
MATSHWAO A 30	Boemo bo tlase	25–27	19–21	13–15	7–8	0–3
		- Nehelano e tswileng matsoho le ha e haellwa ke dintlha tse ikgethang tsa moqoqo o babatsehanga - Mehopololele ke e sutsitseng mme e bontsha boqhetseke; - e hlophisitse hantle ka tsela e bontshang bokgoni mme e momahane ka tshwanelo ho kenyeditswe selelekela, mmele le qetelo	Nehelano e radilweng hantle - Mehopololele ke e loketseng mme e thahasellisang - e hlophisitse hantle ka tsela e ikgethang mme e momahane ka tshwanelo ho kenyeditswe selelekela, mmele le qetelo	- Nehelano e a kgotsofatsa le ha e sa hlaka mona le mane - Mehopololele e momahane le ho kgodisa ka tsela e mahareng; - ho na le tlhophiso le momahano e itseng ho kenyeditswe le selelekela, mmele le qetelo.	- Nehelano boholo e tswile lekoteng - Mehopololele ha e a momahane ka tshwanelo mme e a lahlehisa - Nehelano ha e na bopaki ba tlhophiso le momahano	- Boiteko ha bo yo ba ho arabela sehlooho - Mehopololele e tswile lekoteng ka ho phethahala, ha e a nepahala - Ha e a tsepama sehloohong, mme e dubakane
Makgetha a ho lekanyetsa		Phihlelo e babatsehanga	Phihlelo e supang bokgoni	Phihlelo e mahareng	Phihlelo ya motheo feela	Phihlelo e haellang
PUO, SETAELE LE TOKISO YA DIPHOSO		14–15	11–12	8–9	5–6	0–3
Sehalo, rejisetara, setaele, tlhophiso ke tse lokelang sepheo/ tshusumetsa le maemo, kgetho ya mantswa, tshebediso ya puo le tiwaelo, matshwao a ho bala le mopeleto	Boemo bo hodimo	- Sehalo, rejisetara, setaele le, tlhophiso di loketse sepheo ka tsela e babatsehanga, baamohedi ba ditaba mmoho le maemo; - tshebediso ya hae ya puo e a ikgetha, mme e bontsha boitshupo ka tsela e tsotshang - o sebedisitse sehalo se matla mme se susumetsang ka tsela e ikgethang - o batla o hloka diphoso tsa puo le tsa mopeleto - o radilwe ka bokgoni bo tsotshang	- Sehalo, rejisetara, setaele le tlhophiso di loketse sepheo, baamohedi ba ditaba mmoho le maemo haholo; - tshebediso ya puo e matla mme ho sebedisitse sehalo se loketseng ka nako tsohle; - boholo ba mosebetsi ha o na diphoso tsa tshebediso ya puo le mopeleto - o radilwe hantle ka tshwanelo	- Sehalo, rejisetara, setaele le tlhophiso di loketse sepheo, baamohedi ba ditaba mmoho le maemo; - tshebediso ya puo ke e loketseng, mme e fetisa moelelo ka tshwanelo - puo ya bonono ke e loketseng mme e sebedisitse ka tshwanelo - O radilwe ka tsela e mahareng feela	- Sehalo, rejisetara, setaele le tlhophiso ha di a lokela sepheo, baamohedi ba ditaba mmoho le maemo; - puo e sebedisitse feela ka tsela ya motheo; - sehalo mmoho le moelelo o hlahiswang ke tema ke tse sa lokelang; - ho sebedisitse tlhophiso ya motheo feela	- Puo e sebedisitse ha se e utlwisisehang; - sehalo, rejisetara, setaele le tlhophiso ha di a lokela baamohedi ba ditaba, sepheo le maemo; - tshebediso ya tlhophiso e haellang haholo hoo nehelano e sa utlwisisehang
MATSHWAO A 15	Boemo bo tlase	13	10	7	4	
		- Tshebediso ya puo ke e nepahetseng mme e susumetsang sehalo sa tema - e batla e hloka diphoso tsa puo le tsa mopeleto - e radilwe ka bokgoni bo tsotshang	- Tshebediso ya puo ke e sefutho mme e loketseng maemo - sehalo ke se matla mme se loketseng - ho na le diphoso tse seng kae tsa puo le tsa mopeleto - e radilwe hantle	- Tshebediso ya puo ke e kgotsofatsang le ha ho na le ho sa tsamaellane mona le mane - kakaretso sehalo ke se loketseng le ha puo ya bonono le e haellang	- Puo ke ya motheo feela mme e sebedisitse ka tsela e haellang - dipolelo le diratswana di na le tshwanang e se nang motswako - tlhophiso e haella haholo feela	
SEBOPEHO		5	4	3	2	0–1
Makgetha a tema: Popeho ya dipolelo le kgodiso ya diratswana le bolelele ho hlokehang		- Kgodiso ya sehlooho ke e babatsehanga - katoloso ya dintlha ke e ikgethang - dipolelo le diratswana di bopilwe ka tsela e ikgethang	- Dintlha ke tse loketseng mme tse hodisang sehlooho - momahano e bopilweng ke e supang bokgoni - dipolelo le diratswana di loketse nehelano mme di fapafapanngwa ka tshwanelo	- Dintlha tse loketseng di hodisa sehlooho ka tsela e mahareng - dipolelo le diratswana di bopilwe ka tsela e mahareng - moqoqo o ntse o hlahisa moelelo	- Tse ding tsa dintlha ke tse utlwahalang - dipolelo le diratswana di na le diphoso - Moqoqo o a utlwisiseha le ha o le diphoso	- Dintlha tsa bohlokwa di a haella - dipolelo le diratswana tse hlahisitse ke tse fosahetseng - moqoqo ha o na moelelo o lebelletsweng
MATSHWAO A 5		40–50	30–39	20–29	10–19	0–9
MATSHWAO						

KAROLO YA A: MOQOQO

**MATSHWAO A SEBEDISWANG HO BONTSHA DIPHOSO HA HO TSHWAUWA
MOQOQO SENOTLOLO SA HO TSHWAYA:
SEKALA SA HO TSHWAYA MOQOQO
MATSHWAO: [50]**

Makgetha a Tekanyetso	Matshwao	Senotlolo / dikgutsufatso
Dikahare le Moralo	30	DM =
Puo, Setaele le Tokiso ya diphoso	15	PST =
Sebopoho	5	Seb =
Matshwao ohle	50	

Ditaelo ho motshwayi:

- Mohlahlobuwa o lokela ho ngola ka sehlooho se le SENG feela karolong ya A.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
 - Mohlahlobuwa a abelwe matshwao bakeng sa dikahare ho ya ka kgato ya pele feela.
 - Mohlahlobuwa a abelwe matshwao a tshebediso ya puo ho fella kगतong ya pele feela.
 - Mohlahlobuwa a abelwe matshwao a sebopoho ho fella kगतong ya pele feela.

Tataiso bakeng sa ho tshwaya ditema

Batshwayi ba etse tse latelang ha ba tshwaya:

Ho sehelliwe lentswe kapa polelo e fosahetseng mola ho be ho bontshwe mofuta wa phoso ka hodima lentswe/polelo ka tshebediso ya matshwao a latelang:

- / bakeng sa ho arola mantswa a ngotsweng a kopantswe empa a lokela ho arohana;
- -,+ bakeng sa ho kopanya mantswa a arohantsweng empa a ngolwa a kopane;
- **Mn** bakeng sa mongolo (orthography) o fosahetseng;
- **Mp** bakeng sa mopeleto o fosahetseng;
- **Mt** bakeng sa tshebediso e fosahetseng ya matshwao a puo, kapa ho ngotswe letshwao moo le sa hlokeheng teng;
- **P** bakeng sa tshebediso ya puo ka tsela e fosahetseng/e sa amoheleng kapa eo e seng ya setlwaedi;
- ^ bakeng sa lentswe kapa karolwana ya lentswe le/e siilweng pakeng tsa mantswa a mang;
- // bakeng sa ho qala seratswana se setjha/ho arola diratswana

KAROLO YA B: DITEMA TSA KGOKAHANANO

POTSO YA 2

2.1 NALANE YA BOPHELO BA MOFU/OBITJHUARI

- Ke mofuta wa tema e ngolwang ka ditaba tsa motho ya seng a hlokahetse.
- Dintlha tse latelang di elwe hloko:
 - mofu ke mang, batswadi ba hae ke bomang, ke wa bokae;
 - o hlahile neng (letsatsi, kgwedi, selemo);
 - o hlahetse kae (lebitso la sebaka e seng sepetlele);
 - kgolo ya mofu, ho kenyelletswa le tsa dikolo;
 - tsa mosebetsi le dikatleho tsa hae;
 - tsa lenyalo;
 - sesosa sa lefu le bao a ba siyang;
 - seboko sa mofu.

[25]

2.2 LENGOLO LA SETSWALLE/SETLWAEDI

- Aterese e nngwe, ke ya mongodi, mme e ngolwa ho tloha hodimo bohareng ba leqephe ho ya letsohong le letona.
- E ngolwa ka mokgwa wa boloko, mme e qetella ka letsatsi/mohla, ho tlole mola pele ho letsatsi.
- Ho tlole mola e be ho ngolwa tumedisio ka lehlakoreng le letshehadi.
- Tumedisio e be ya setswalle ho nto tlole mola.
- Seratswana sa selelekela se ba sekgutshwane, mme se omela ditaba feela.
- Mmele wa lengolo o ahwe ka diratswana tse seng kae, mme ke mona moo mongodi a nontshang ditaba tsa hae teng.
- Qetelo ke e kgutshwane e phethelang ditaba. Ha ho hlokehe fane.
- **DIKAHARE:**
 - ho kgothatsa motswalle ka ho hlokahallwa ke moholwane kotsing ya terene e tjheleng.
 - rejistara e be ya ho fetisa matshediso.

[25]

2.3 PUO

- Puo ke tema e reretsweng ho mamelwa mohla monene ke letshwele la batho.
- E ka nna ya ba le motlae kapa qotso e tla hokahana le puo.
- Mohlahlobuwa a hlophise le ho latellisa dintlha ka boqhetseke hore puo e phalle.
- **Dikahare:**
 - Sebui se itsebise, se lebohe le ho fumantshwa monyetla.
 - Ho utlwahale sepheo sa ho fana ka puo.
 - Kgothaletso ho batswadi ho nka karolo thutong ya bana ba bona.
 - Kgokahano ya ngwana, titjhere, le motswadi e toboketswe.

[25]

2.4 RAPOROTO

- Raporoto e ngolwa ka mora diphuputso tse ileng tsa etswa, kapa ka mora ketsahalo e bonweng ka mahlo.
- E fupere dintlha tsa bohlokwa kaofela, mme sehalo ke sa semmuso.
- Sebopeho e be se loketseng tlaleho ena.

- **Dikahare:**

- E be le sehlooho se hohelang
- Ho hlahiswe ditaba kapa dintlha tseo ho tlalehwang ka tsona; boshodu ba dikgomo bo ntseng bo ata.
- Mokgwa wa tshebetso
- Diphumano
- Diqeto
- Ditlhahiso / ditshisinyo
- Qetellong e be lebitso ka botlalo, motekeno le mohla

[25]

2.5 LENGOLO LA SEMMUSO

- Aterese ya mongodi e tloha bohareng e ya letsohong le letona, ho tlole mola ho ngolwe mohla;
- Lebitso le fane ya mongodi di hlahelle ka hodima aterese ya mongodi;
- Aterese ya moamohedi e qale ka boemo ba ya ngollwang jk Mohlophisi, mme yona e ka lehlakoreng le letshehadi;
- Tumediso ke ya semmuso, e ngolwa e le, Monghadi/Mofumahadi/Mofumahatsana;
- Sehlooho sa ditaba se ngolwe ka mongolo o moholo kapa se sehellwe;
- Ditaba di tobe ntlha ya ho kgathatseha ka ho utsuwa ha bana ho ntseng ho ata, ho ka hlahiswa le malebela le tharollo;
- Qetello ke ya semmuso, e nang le lebitso le fane di latelwe ke sikinetjhara/motekeno.

[25]

2.6 PUISANO

- Puisano ke tema e ngolwang ho hlahisa puisano e teng pakeng tsa batho ba babedi kapa ho feta.
- Lebitso la sebui le ngolwa ka letsohong le letshehadi la leqephe, le bile le latelwa ke letshwao la kgutlopedi (jk Tiisetso:)
- Puisano e itshetlehe hodima dintlha tsa mmapa wa monahano.

- **Dikahare:**

- Mohlahlobuwa a matlafatse mabaka a moithuti wa Tsa Bohahlaudi ka tsela e hohelang jk menyetla ya mesebetsi e sa tlamelleng moithuti ho ya Yunivesithi, menyetla ya ho ipulela kgwebo jj.
- A boele a hatelle bohlokwa ba Tsa Temo ka ho hlahisa dintlha tse kang; temo ke phepo ya bohle, e fana ka boikemelo, e leleka bofutsana le tlala jj.

[25]

MATSHWAO OHLE A KAROLO YA B (25 x 2): 50
MATSHWAO OHLE A PAMPIRI ENA: 100

RUBURIKI YA HO LEKANYETSA TEMA YA KGOKAHANO – SESOTHO PUO YA LAPENG [MATSHWAO A 25]

Makgetha a ho lekanyetsa	Phihlelo e babatsehang	Phihlelo e supang bokgoni	Phihlelo e mahareng	Phihlelo ya motheo feela	Phihlelo e haellang
DIKAHARE, MORALO LE SEBOPEHO Tshekatsheko ya sehlooho le mehopollo Tlhophiso ya mehopollo Kelohloko ya maikemisetso, baamohedi ba ditaba, le maemo MATSHWAO A 15	13–15 - Nehelano e babatsehang ya sehlooho e supang bokgoni bo ikgethang - Mehopollo e matla e butswitseng - Tsebo e batsi ya makgetha a mofuta ona wa tema - Nehelano ha e kgere e tsepame sehloohong - Mehopollo le dikahare ke tse momahaneng, tse hlalositse ka botebo, mme dintlha di tshhehetsa sehlooho - Sebopeho ke se loketseng se nang le diphoso tse mmalwa	10–12 - Nehelano e ntle haholo e bontshang tsebo e ntle ya makgetha a mofuta ona wa tema - Nehelano ha e kgere e tsepame sehloohong - Mehopollo le dikahare ke tse momahaneng, tse hlalositse ka botebo, mme dintlha di tshhehetsa sehlooho - Sebopeho ke se loketseng se nang le diphoso tse mmalwa	7–9 - Nehelano e lekaneng e bontshang tsebo ya makgetha a mofuta ona wa tema - Nehelano ha e a tsepama sehloohong ka ho phethahala ho na le ho kgera ho itseng - Mehopollo le dikahare di na le momahano e amohelehang - Ke dintlha tse itseng feela tse tshhehetsang sehlooho - Ka kakaretso sebopeho ke se loketseng empa se nang le diphoso tse itseng	4–6 - Nehelano ya motheo e bontshang tsebo ya makgetha a itseng feela a mofuta ona wa tema - Nehelano e na le tsepamo e itseng feela sehloohong empa e a kgera - Mehopollo le dikahare ha se ka mehla di momahaneng - Sehlooho se tshhehetswa ke dintlha tse itseng feela - Sebopeho se fofo feela, mme se na le bohlotso bo boholo	0–3 - Nehelano e totobatsa kgaello ya tsebo ya makgetha a mofuta ona wa tema - moelelo o nyotobetswa ke ho kgera ho hoholo - Mehopollo le dikahare ha di na momahano - Ke dintlha tse mmalwa haholo tse tshhehetsang sehlooho - Ha ho na boiteko bo entsweng ho sebedisa sebopeho se nepahetseng
PUO, SETAELE LE HO HLAOLA DIPHOSO Sehalo, rejistara, setaele, maikemisetso, baamohedi ba ditaba le maemo. Tshebediso ya puo, tlwaelo ya tshebediso ya puo, kgetho ya mantswae, matshwao a ho bala le mopeleto MATSHWAO A 10	9–10 - Sehalo, rejistara, setaele, le tlotlontswe di loketse ka ho fetisisa maikemisetso, baamohedi ba ditaba le maemo - Tshebedisano ya puo e nepahetse e bile e bopehile hantle - Nehelano ha e na diphoso	7–8 - Sehalo, rejistara setaele, le tlotlontswe di loketse ka ho fetisisa maikemisetso, baamohedi ba ditaba le maemo - Ka kakaretso tshebediso ya puo ke e nepahetseng e bileng e bopehile hantle - Tshebediso ya tlotlontswe e ntle haholo - Nehelano boholo ha e na diphoso	5–6 - Sehalo, rejistara, setaele le tlotlontswe di loketse maikemisetso, baamohedi ba ditaba le maemo - Nehelano e na le diphoso tse itseng tsa tshebediso ya puo - Tshebediso ya tlotlontswe ke e lekaneng - Diphoso ha se tse nyotobetsang moelelo	3–4 - Sehalo, rejistara, setaele le tlotlontswe ha di a lokela maikemisetso, baamohedi ba ditaba le maemo hantle - Tshebediso ya puo e fosahetse e bile e tletse diphoso tse ngata - Tshebediso e seng kae ya tlotlontswe - Moelelo o nyotobetse	0–2 - Sehalo, rejistara, setaele le tlotlontswe ha di dumellane le maikemisetso, baamohedi ba ditaba le maemo - Nehelano e tletse diphoso e dubakane - Tlotlontswe ha e dumellane le maemo - Moelelo o nyotobetse haholo
MATSHWAO	20–25	15–19	10–14	5–9	0–4

KAROLO YA B: DITEMA TSA KGOKAHANO TSE TELELE

**SENOTLOLO SA HO TSHWAYA:
SEKALA SA HO TSHWAYA DITEMA TSA KGOKAHANO
MATSHWAO: [25]**

Makgetha a Tekanyetso	Matshwao	Senotlolo / dikgutsufatso
Dikahare le Moralo ke Sebopelo Puo, Setaele le Tokiso ya diphoso	15 10	DMS = PST =
Matshwao ohle	25	

Ditaelo ho motshwayi:

- Mohlahlobuwa o lokela ho ngola ka dihlooho tse PEDI karolong ena.
- Karolo e nngwe le e nngwe e na le ruburiki ya yona.
- Sebedisa diruburiki tseo o di fuweng ho tshwaya tema e nngwe le e nngwe.
- Ha mohlahlobuwa a tswile lekoteng nehelanong etsa tsena tse latelang:
 - Mohlahlobuwa a abelwe matshwao bakeng sa dikahare ho ya ka kgato ya pele feela.
 - Mohlahlobuwa a abelwe matshwao a tshebediso ya puo ho fella kगतong ya pele feela.
 - Mohlahlobuwa a abelwe matshwao a sebopelo ho fella kगतong ya pele feela.

Tataiso bakeng sa ho tshwaya ditema

Batshwayi ba etse tse latelang ha ba tshwaya:

Ho sehellwe lentse kapa polelo e fosahetseng mola ho be ho bontshwe mofuta wa phoso ka thoko ka tshebediso ya matshwao a latelang:

- / bakeng sa ho arola mantse a ngotsweng a kopantswe empa a lokela ho arolwa;
- -,+ bakeng sa ho kopanya mantse a arotsweng empa a ngolwa a kopane;
- **Mn** bakeng sa mongolo (Orthography) o fosahetseng;
- **Mp** bakeng sa mopeleto o fosahetseng;
- **Mt** bakeng sa tshebediso e fosahetseng ya matshwao a puo, kapa ho ngotsweng letshwao moo le sa hlokeheng teng;
- **P** bakeng sa tshebediso ya puo ka tsela e fosahetseng / e sa amoheleheng kapa eo e seng ya setlwaedi;
- ^ bakeng sa lentse kapa karolwana ya lentse le / e siilweng pakeng tsa mantse a mang.
- // bakeng sa ho qala seratswana se setjha.